



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvvs I., Stephanvs IV., Adrianvs et Pseudopapa Constantinus miserunt & reges Francorvm, Carolvm Martellvm, ...**

**Gretser, Jacob**

**[München], 1613**

Item exemplar Epistola eiusdem Papæ ad Domnum Pippinum regem directa pro defensione sanctæ Dei Ecclesiæ, & pro monasterio, quod ei conceßit prope montem Serapten situm gratias magnas referendo. XVI.

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

culmen, etiam venturo in sæculo infinita gaudia cum sanctis & electis suis vobis concedat, quatenus sicut in præfenti vita, & in futura beatitudine adepti promissam vobis mercedis coronam, cum Christo regnare mereamini. Incolumem Excellentiam vestram gratia superna custodiat.

\* *Embolum.*

Pro veræ benedictionis causa, direximus vobis Apallateam vnam spatam ligatam in gemmis cum balteo suo, anulum vnum, habentem \* *Hyacinthum*, \* *Hyacinthum*, storacinum pallium vnum, habentem Paones, quam parua benedictionem petimus, vt, excepta iniuria, suscipere iubeatis. Domino Carolo & Carlomanno pro magna Apostolica benedictione annulos singulos habentes \* *yacinthos*.

\* *Vide epistolam, 6.*\* *Hyacinthum.*\* *hyacinthos.*

*Item exemplar Epistola eiusdem Papæ ad  
Domnum Pippinum regem directa pro defensione sanctæ Dei  
Ecclesiæ, & pro monasterio, quod ei concessit prope mon-  
tem Serapten situm gratias magnas  
referendo.*

## XVI.

**D**OMNO excellentissimo filio, & nostro spiritali compatri Pippino Regi Francorum & Patricio Romanorum Paulus Papa. Dum diuinas scripturarum historias, in nostro memoriali reuoluimus, & diuersorum Dei electorum merita perpendimus, & vestra diuinæ inspirationis studia, in nostræ mentis intuitu conferentes: nouum te \* *gentes* Moysen in his diebus refulsisse, præcellentissime fili & spiritali-

Summ. 25.  
apud Bar.  
ES Cent.\* *gentibus*

ritalis Compater, comperimus. Ille quidem, vt Israë-  
liticum populum ex affligentium erueret oppressio-  
nibus à diuina maiestate præcepta suscepit. Tu quo-  
que præcellentissime atq; eximie Rex ad liberandam  
sanctam vniuersalem, Catholicam, & Apostolicam,  
Dei Ecclesiam diuinitus es inspiratus. Per illum de-  
niq; Dominus in monte Sina, legis mandata eidem  
Hebraico populo obseruanda tradidit, & lumine eum  
claritatis suæ illustrauit. Per te quoq; Redemptor no-  
ster, Dei hominumq; Mediator, Ecclesiae suæ & vni-  
uerso populo Christiano, eius pretioso redempto san-  
guine, pacem tribuit, & eius fidei orthodoxæ perfe-  
ctam contulit defensionem: Et sicut idem Moyses le-  
gislator abominationes gentium & culturam damo-  
num exterminauit, ita & tu, Christianissime Regum,  
hæreticorum schisma & auctores impij dogmatis re-  
spuisti. Pro quo merito, diuinæ gratiæ lumine & oleo  
sanctificationis inter fideles Reges, qui olim Deo pla-  
cuerunt, vnctus connumeratusq; comprobaris. Vnde  
libet certè Psalmigraphi vocem & laudem Excellen-  
tiæ vestræ canere, Inuenit te Dominus benignissime  
Regum, fidelem sibi, & præcepta eius seruantem, &  
ideo oleo sancto vnxit te, & ecce manus eius auxilia-  
bitur tui, & brachium ipsius, confortabit te.

*Psal. 88.*

Nec mirum tam benignissimum Regem, tanto  
diuino munere esse præornatum, quoniam *spiritus ubi  
vult, & in quibus vult, inspirat.* Et profecto in eis inspirat,  
qui piis fulgent operibus, sicut vestra fulgere dinosci-  
tur Excellentia; nam qualiter dilectionis vestræ amor  
erga B. Petrum Apostolorum principem & circa no-  
stram caritatem seruesceret, licet solitè vestris apici-  
bus atq; Responsalibus discurrentibus excellentissima  
Chri-

Christianitas vestra pronunciauerit, nunc tamen per  
 eas, quas in præsentī, per harum latorem, misistis Sylla-  
 bas, amplissime nobis paternitatis vestræ affectum,  
 protulistis, significans, bone excellentissime fili, & spi-  
 ritualis compater & noster, post Deum, defensor & li-  
 berator, firma perseuerantia in amore ipsius principis  
 Apostolorum, & nostra charitate permāsurum; quod  
 quidem nos securi de vestra immutabilis verbi polli-  
 citatione \* existerimus. Scimus enim cui credidimus  
 & certisumus, omnia, verbis iuxta vt asseris, perfici.  
 Quid itaq; ex hoc vestræ valebimus rependere Excel-  
 lentia? Aut quam vicissitudinem reddere potuerim  
 pro tantis beneficiorum suffragiis, quæ sanctæ  
 Dei Ecclesiæ & Christianorum fidei inferre præcella  
 eximietas, vestra dignata est, dum ad referendas gra-  
 tiarum laudes mens nostra, die noctuque prouoca-  
 tur.

Admirandum mihi potius est, & valde stupen-  
 dum; quomodo oris mei loquacitas tantorum præsi-  
 dia beneficiorum proferre queat: veruntamen cali-  
 cem salutaris accipiam, & nomen Domini inuocabo,  
 & crebro eleuatis oculis & palmis extensis ad athera,  
 diuinam pro vobis indefinenter exposcam clementi-  
 am, vt ipse super vos de throno maiestatis suæ respici-  
 at, & regni vestri fastigium foueat, atque in mensas vo-  
 bis de coelo tribuat victorias, & omnes barbaras gen-  
 tes vestris prosternere dignetur vestigiis, & terminos  
 regalis vestræ potentia dilatet. Etenim nos, fili excel-  
 lentissime & spiritualis Compater, testem proferimus  
 veritatis Deum, in cuius manu cor excellentia vestræ  
 \* corrigatur, quod sicut sæpius \* nostri recordationis,  
 Dominum & Germanum nostrum, sanctissimum Ste-  
 phanum

N

phanum

phanum Papam, & per eum, cum sancta Dei Ecclesia confirmatum est, permanentes permanebimus, vestris obtemperantes voluntatibus, & absit à nobis, quod à vestro, quoquo modo, separemur amore, nulla quippe præmiorum datio, nulla promissionis qualitas, nullaq; blandimentorum suasio, nos, sicut sæpius diximus, à vestra charitate poterit auellere, sed peto & tanquam præsentialiter obsecro mellifluam excellentiam vestram, vt amplissimam iam fatæ spiritualis vestræ matris Ecclesiæ exaltationem perficere, & firmissimus Christianorum fidei defensor existere iubeas benignissime Regum; quatenus ex hoc memoria nominis vestri, vsq; in finem mundi, in domo Domini celebretur, & suffragiis Apostolorum & præsentis vitæ prospera & æternæ beatitudinis vobis tribuantur gaudia.

Interea, Excellentissime fili, & spiritualis compater, quia inspiratus à Deo nobis monasterium illud secus montem \* Saraptem situm, concedere dignatus es, magnas atq; innumerabiles gratiarum actiones eximia præcellentia vestræ referimus, sit vobis ex hoc Dominus retributor, & dignam cœlestium præmiorum remunerationem, in æterna beatitudine concedat. Nos quidem monasterium illud ad laudem Dei, & vestri memoriam, atque æternam mercedem nostro Monasterio dinoscimur subdidisse; vt quia beatus Sylvester, Christianorum illuminator fidei, cuius sanctum corpus in nostro Monasterio à nobis reconditum requiescit, ibidem persecutionem paganorum fugiens, conuersatus est, iustū prospeximus, vt sub eius fuisset ditione, vbi ipsum reuerendum requiescit corpus. Veruntamen nos penitus, neq; de hoc monasterio,

rio,

rio, neq; de aliis quibuslibet causis, extra vestram voluntatem, nequaquam quippiam agere volumus, sed vt vestra fuerit voluntas, de omnibus agere studemus. Itaque noster animus latus effectus est, & Deo omnipotenti, & vestræ præcellentiæ, immensas retulimus grates, in id, quod nostram deprecationem à D E O inspiratus exaudire dignatus es benignissime Rex, & præceptum regalis vestri culminis nostro Monasterio dirigendum pronuntiastis, firmam eiusdem sanctæ mansionis procurantes, nunc & retro cunctis temporibus; Vnde petimus diuinam clementiam, vt sicut vos nostrum Monasterium, quod ad laudem Dei constitutum est, confirmare studetis, ita vestrum regnum confirmare super omnes gentes dignetur. & pro certo sciat excellentissima Christianitas vestra, quod omnes illos Martyres, qui pro Christi nominis confessione suum fuderunt sanguinem, & in eodem sancto requiescunt Monasterio, firmissimos apud diuinam clementiam habebitis intercessores.

De eo verò, quod innotuistis de nostra vos certos effici sospitate, nos, bone & Christianissime Rex, in eo sospes fatemur esse, dum vestri corporis sospitas & salus animæ, opitulante D E O adcrefcit, quia vestra salus, nostra est prosperitas. His prælibatis, omnipotens rerum opifex, & arbiter D E V S, sua vos gratia foueat, & longæuo ac prospero senio regalis culminis sceptræ, cum magna victoria vobis, cum dulcissima vestra coniuge, præcella filia, & spiritali nostra comatre, Domina B E R T R A D A, eximia R E G I N A & amantissimis vestris, nostrisque F I L I I S,

eximiis regibus & patriciis Romanorum Domnis Carolo & Carolomanno, nec non & domina Gisila nobilissima perfrui concedat, & coelestis regni gaudia cum sanctis & electis possidenda per infinita tribuat saecula. Incolumem Excellentiam vestram gratia superna custodiat.

*Item exemplar Epistola ad Dominum Pippinum regem per Vitmarum & Gerbertum Abbates atque Hugbaldum directa, in qua continentur gratiarum laudes, pro exaltatione sanctae Dei Ecclesiae, & postulans, ut semper in id decertare debeat.*

## XVII.

*Summ. 24.  
Bar. &  
Cent.*

**D**OMNO excellentissimo filio, & nostro spirituali Compatri Pippino Regi Francorum, & Patricio Romanorum, Paulus Papa. Dum tam maxima nobis dilectionis affectio erga vestram à Deo inspiratam excellentiam insistit, ob hoc, sicut terra sitiens imbriferam desiderat inundationem, itaque quoque vestrae prosperitatis cupimus addiscere nuntia, & de vestris profectibus gratulari, in hoc quippe nostri cordis est devotio exultandi, dum nimirum salus vestra, nostra existit securitas. Interea duarum epistolarum series, quas vestra direxit excellentia, cum magno suscepimus amore; unam quidem primitus per Petrum primum Defensorem Missum nostrum; & aliam per praesentes fidelissimos vestros Missos Widmarum scilicet & Gerbertum Abbates, atque Hugbaldum virum illustrem, quarum paginam indagantes, mox liquidò cuncta in eis exarata didicimus; immensas, protinus de nostro referentes laudes, qui nos de vestra annuit sospitate gratulari.

In